

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Notio, & divisio Theologiæ.

[urn:nbn:de:hbz:466:1-73455](#)

Tractatus I. Disputatio Prima Proemialis.

16. *Theologia necessitas hypothetica & respectiva.*
 17. *Esse necessariam omnibus, sine accipiendum collective vel distributio?*
 18. *Theologia Scholastica quoad substantiam toti Ecclesie necessaria pro singulis.*
 19. *Est Juris Divini, esse in Ecclesia Doctores Theologos.*
 20. *Non est necessaria Theologia in singulis.*
 21. *Quod methodum Theologia est necessaria ad melius esse.*
 22. *Est etiam necessaria secundum quid ad naturales scientias.*
 23. *Quid intelligat Apostolus per inanem fallaciam?*
- D**icitur hoc articulo, quid nomine S. Theologiz intelligatur, at & quando illa exierit, sine etiam Ecclesiæ necessitate? unde ut crebriori divisione major accedat materia claritas, tam istum, quam sequentes articulos in §§. dividimus.

§. I.

Notio & divisio Theologiae.

1. **Q**uia Theologia in latissima acceptione doctrinam aut sermonem de DEO significat; ideo latissime potest dividi in *naturalem & supernaturalem*. Naturalis est scientia metaphysica, quatenus ex effectibus creatis & principiis solo lumine, natura notis alcedit ad cognitionem prima causa, & entis primi, non tanquam objecti adequati, sed principialis. Supernaturalis, quæ est scientia seu notitia de DEO per lumen supernaturale, dividitur in *Increatam & creatam*. Increat a sive DEI Theologia, est visio, quæ DEI US in suam & per suam esse essentiam, & se & alia omnia cognoscit, & comprehendit. Creato est cognitione supernaturalis de DEO, quam sub lumine divinae revelationis habent tam Angeli, quam homines, tam beatu, quam viatores. Et hæc est acceptio atque visio latissima S. Theologiae.
2. Secundò dividitur Theologia creata seu doctrina sacra in illam, que tractat res divinas, quatenus per divinam revelationem formaliter cognitas. Quo sensu D. Joan. Evangelista à D. Cyrillo cognominatur Theologus, eò quod Christi Divinitatem sublimius & clarius quam alij Evangelista in suo Evangelio expreserit: & in illam, que ex principiis revelatis veritates & conclusiones inibi contentas per discursum deducit. Theologia primo modo accepta, vel procedit formaliter ex revelatione clara, vel obscura: si est notitia formaliter procepsens ex clara revelatione, tunc est vel visio beatifica, quando nimis veritas supernaturalis per increatam DEI essentiam clarè visam manifestatur; vel est visio Prophetica, cum per creatum lumen, tam ipsa revelatio, quam objecti creati connexione clarè innoteat. Si procedit ex obscurâ revelatione, tunc est ipse habitus fidei, qui non nisi imprudente scientia dici potest, quatenus nimis scientiam nomen accipitur quo quacunque certa cognitione, infallibilis objecti. Theologia secundo modo accepta est illa, quam tractamus & aggredimur, scientia Theologica, & vel procedit ex principiis clarè, vel obscurè revelatis: si primum, tunc est Theologia Beatorum; si secundum, tunc est nostra Theologia Viatorum.
4. Tertiò Theologia Beatorum rursus dividitur ex D. Augustino in *matutinam, & vespertinam*. Theologia seu cognition matutina est ipsa, de qua-

primum dixi, visio beatifica, per quam Beati in Verbo, seu essentia divina scriptam manifestantur, absque discursu & simplici mentis intuitu, dicentes veritates supernaturales. Vespertina est, quæ per species creates ex principio visione beatifica clare cognitis, aut alijs extra Verbum sive essentiam divinam in aliquo creato & prophetico lumine clare manifestatis, proprio discursu deducunt veritates in illis virtute contentas. Illa dicitur maturina, quia est præstantior, purior, illuminator; ista vespertina, quia est imperfectior, & ut inquit S. P. Aug. *decorolorior*. Ultraque inter se distinguitur essentialiter, quia procedit sub medio, & lumine formaliter diverso: prima sub lumine gloriae, & essentiae divinae; altera sub lumine revelationis virtualis, de qua in seqq.

Quartò Theologia Viatorum propriæ accepta, dividitur rursus in *Mysticam, & Scholasticam*; Theologia Scholastica est scientia, quæ ex principiis fidei divinæ creditis, discurrendo deducit conclusiones. Theologia Mystica est sapientia DEI notitia, quæ intellectus prævio discursu Theologico excitatus, & charitate impulsus, in divinorum contemplatione desiguntur. Hæc divisio est in membra realiter & formaliter distincta; nam Theologia mystica, quamvis ordinariè presupponat discursum rationis ex principiis fidei deductum, tamen nititur immediate lumine supernaturali, & habet pro principali actu contemplationem, ut habet D. Dionysius, l. de Theol. Myt., c. i. Contemplatio autem est actus doni sapientie, ut habet S. Thom. 2. 2. q. 45. a. 3. Unde & ipsa Theologia. Mystica est entitative supernaturalis, pertinens ad donum sapientie, & sapienti oratione, quam studio comparatur. Theologia Scholastica vero proxime innititur objectiva connexione premislarum, tanquam rationi formalis, & tique, ut dicitur, entitative naturalis. Utique porrò Theologia, tam. 6. Mytica, quam Scholastica ex D. Dionysio, accidentaliter dividitur in *symbolicam & demonstrantem*. Symbolica tunc est, quando ex mythico tenor dictorum metaphoratum, quæ in S. Script. reperiuntur, eruit divinas perfectiones, aut veritates inibi contentas. Demonstrans dicitur, cum divinas perfectiones aut veritates eruit ex proprio sensu Mysterij in S. Scriptura revelatis.

Quintò communiter dividitur Theologia in. 7. *positivam, scholasticam, moralem*. Positiva Græca & Latyn, hoc est firma vel rata, prout in scholis tractatur, est, quæ ex positio & expressio aliquo S. Scripto, examinata SS. PP. interpretatione, idiomaticum diversitate, & aliorum locorum comparatione, eruit veritates ibidem contentas. Scholastica dicitur, quæ ex principiis, sive per S. Script. sive alio modo revelatis, accuratori formâ, & methodo magis dialecticâ, ad fidem non tantum dignandam & nutritandam, sed etiam contra Adversarios propugnandam educit veritates virtualiter contentas tam practicas quam speculativas. Et teste Ylamberto hic d. 5. a. 1. n. 3. Inde accepit nomen Theologia Scholastica, quia vir subtilis, & apprimè peritus secundum Ciceronem lib. 2. de Oratore, vocatur homo de schola. In quo sensu hanc vocem usurpavit D. Augustinus l. de Catech. rud. Moralis. Theologia dicitur, quæ practicas veritates ex ijsdem principiis deducit methodo simpliciori ac bre-

breviori. Hæc divisio, uti patet, tantum est accidentalis, quia non est secundum diversitatem obiecti formalis, sed modi & methodi accidentalis. Theologia controversialis non necessariò constituit divisionem membrum hujus divisionis, quia solet vel secundum methodum vel Theologiae positive, vel Scholasticae in confirmandis fidei dogmatis, heresibusque confutandis procedere.

§. II.

Existencia, Status, & Progressus Theologie.

Sacra Theologia, non tantum latè pro qualibet supernaturali cognitione accepta, sed propriè pro doctrina, qua ex principijs divinitùs revelatis, & fidei infusa cognitis per discursus conclusiones deducit, cum ipso Mundo in Adamo lumpit exordium, quippe quem omni aliam scientiarum genere instruunt, indecens erat, ad deducendas ex revelatis fidei mysteriis conclusiones rudem esse. Quamò plura deinceps fidei mysteriis sequentibus Patriarchi & Prophetis fuerunt revelata, tanto amplius profecit Theologia, utpote pluribus ad discurrendum principijs instructa: unde in Legi naturæ & Jacobus & Moyse Theologi fuerunt. Jacob quidem, quia ubi Gen. 25. vulgata habet Jacob habuisse in tabernaculo, alij apud Lyranum ex Hebreo legunt in domo doctrina, quod Hebrei intelligent de Scholis Theologiae, quibus ajunt Jacobum operam dedisse, Doctoribus Sem, Heber, & Melchisedech, ut est apud Corn. à Lap. loc. cit. Moyles autem, quia ut inquit sacer textus Ex. 18. Venient ad eum populus inquirere sententias DEI, quam certè non tempore ex immediata revelatione habebat poterat, sed ex sibi revelatis Theologicè deducebat, ac tandem, quia scriptis voluminibus facis (cum prius nulla nec facta nec profana scriptura extaret) instituit scribas & Legis peritos, quorum munus erat legem veterem & sacram doctrinam publicè profiteri.

10. Infuper ex omnibus non tantum Hagiographis & sacris scriptoribus Moyli primatum competere, ipsiusque Alphabetariae Scriptoris divinitus accepte primum Authorem esse, quem proprieatà Egypti sub nomine & schemate Anubis seu Mercurii coluerint, multis gravibus argumentis probat Nieremberg. de Orig. S. Script.

11. Tandem verò cum per adventum Divini Verbi fidei praedicatio esset perficienda, & consummanda etiam ipsa doctrina Theologica ab eodem fuit concentrata, & maximo cum incremento in Apostolos derivata: neque enim solùm ipse Theologicis argumentationibus Iudeos confutavit, veluti cùm Matt. 22. Resurrectionem mortuorum ex eo, quòd D E U S se dicit D E U M Abraham, Isaac, & Jacob, & tamen non sit D E U S mortuorum sed vivorum Theologicè inuitil: sed etiam Apostolos hominum pectora constituit, non alia ratione, quā per Theologicorum discursum retia, quibus fidem illustriarunt, propugnabantur. Scripturas rite expoluerunt, expositas erroribus oppauerunt, ut passim est reperiuntur in Actis, tum in Epistolis Apostolorum.

12. Secuti sunt Apostolorum Discipuli, præcipue D. Dionysius Areopagita, optimè de Theologia meritus præstantissimi Libris de cœl. & Ecol. Hier. de Div. nom. aliisque, quorum vestigiis institerunt in primis Clemens Alex., & Origines, quorum uter-

que cùm fuerit dialekticà instruissimus, verisimile est, etiam methodo dialekticà in tradendis Theologicis usus fuisse. Invalcentibus deinde heresibus eminuerunt in Ecclesia D E I Sanctissimi simul Patres, & summi Theologi tun Græci, Athanafius, Basilius, Gregorius Naz. & Nyssenus, Chrysostomus; tun Latini, Hieronymus, Ambrosius, Hilarius, &c. Inter quos potissimum emicat Ecclesia lumen Augustinus, qui & ipse Dialecticà peritissimus, cùm plerasque Theologicas doctrinas & difficultates in suis operibus doctissime ventilaverit, subsecutis Theologis faciem prætulit, & præfert in hodiernum diem.

Posterioribus deinde facultas à sexto usque ad^{13.} duodecimum, præcipue in sacro D. Benedicti Ordine studium S. Theologia floruit, dupl. post D. Gregorium M. Leonem II, aliisque, prout ex irrefragabili autoritate historiae Ecclesiastice agnoscat Franc. de Lugo in Prolo. n. 14. Hispanicas Ioh. S. Isidorus Hispalensis Antilles, Venerabilis Beda Anglicas illustravit, cuius discipulus Alcuinus justus Caroli M. Parisensem Academiam, quæ etiamnum hodiè sub Sorbone nomine inter alias eminet, instituit: D. tandem Anselmus methodicà ratione & ordine (unde Theologia Scholastica appellatio) quemadmodum inter Gracos D. Damascenos Theologicam doctrinam tradidit, ut videre est ex ipsiusmet libris, & testatur præcit. Franc. de Lugo.

Denique in Universitate Parisiensi Petrus Lombardus Episcopus Parisiensis ad imitationem D. Damasceni, qui Graecorum PP. dogmata & sententias collectas certis locis distinxerat, Latinorum PP. præsertim D. Augustini dicta & sententias in quatuor Libros (quos ex inde sententiarum libros nominavit, ipse appellatus Magister Sententiarum) certosque titulos, quos distinctiones vocat, digessit. Cujus scriptum deinceps à faculo 12. varijs scriptores præstantissimi ex diversis Religiosis familij commentariis Theologicis illustrarunt, eadem methodum in tradenda Theologia secuti. Continet autem primus Liber sententiarum doctrinam de D E O in le. de mysterio Sanctissimæ Trinitatis, & de divinis perfectionibus. Secundus agit de D E O Creatore, & creaturis præfertim rationalibus, carūmque motibus erga D E U M, vel contra D E U M. Tertius de D E O Restauratore per Incarnationem, déque gratijs & virtutibus exinde in nos collatis. Quartus de Medicinis, nempe Sacramentis, quibus ad salutem reparamus, ac postremò de glorificatione ad quam pervenimus.

Novam denique & Angelicam methodum in-^{15.} venit D. Thomas Aquinas, quam *Summa*, quasi totius Theologiae medullam appellavit, distinctam in tres præcipuas partes. Prima agit de D E O, tam ut in le est Unus & Trinus, quam ut est causa creatrix ad extra. Secunda agit de D E O ut fine ultimo, iisque principijs & actibus, quibus vel ad ipsum accedimus, vel ab ipso recedimus. Quæ tamen propter suam amplitudinem est bipartita, & divisa in primam & secundam secunda. In. 1. 2. præter finem ultimum considerantur actus humani in communis, & ea omnia quæ ad eorum moralitatem sive in bonum sive in malum concidunt. In. 2. 2. agitur de illis in speciali secundum diversas virtutes, aut vitiis, à quibus procedunt. Tertia